

Ўлим, албатта сизга йўлиқувчидир

13:59 / 29.10.2018 3316

Аллоҳ таоло Жума сурасида марҳамат қилади:

﴿تَعْمَلُونَ كَمَا هُمْ بِمَا فَعَلْتُمْ وَالشَّهَادَةُ الْعَبِيْرُ عَلَيْهِ إِلَىٰ تَرْدُونَهُ مَلَقِيكُمْ فَأِنَّهُ مِنكُمْ تَقْرُونَ﴾ الَّذِي الْمَوْتِ إِنَّ قُلَّ

«Аниқки, сиз қочаётган ўлим, албатта, сизга йўлиқувчидир. Сўнгра ғайб ва шаҳодатни Билувчининг ҳузурига қайтарилурсиз. Бас, У сизга қилиб юрган амалларингизнинг хабарини берадир», деб айт» (8-оят).

Ҳа, ҳеч бир кимса ўлимдан қочиб, қутула олмайди. Шу жумладан, яҳудийлар ҳам. Ўлим инсонни, вақти-соати келганда, қаердан бўлса ҳам, излаб топади.

«Аниқки, сиз қочаётган ўлим, албатта, сизга йўлиқувчидир».

Ҳар бир инсон ўлганидан сўнг, махфий ва ошкора нарсаларнинг барчасидан хабардор Зот – Аллоҳ таолонинг ҳузурига қайтарилади ва бу дунёда қилган ҳар бир иши учун жавоб беради.

«Сўнгра ғайб ва шаҳодатни Билувчининг ҳузурига қайтарилурсизлар».

Агар яширмоқчи бўлса, Аллоҳ таолонинг Ўзи у банда бу дунёда нималар қилганини айтиб беради.

«Бас, У сизга қилиб юрган амалларингизнинг хабарини берадир...»

Аллоҳ таоло мусулмонларга мана шу тариқа ўрнакли дарс ўтиб, уларнинг ҳимматини ошириб, ҳар қандай амрни зўр иштиёқ билан кутиб олишга тайёрлаб қўйган.